

**REGLUGERÐ**

um breytingu á reglugerð nr. 6 7. janúar 1963, um takmörkun leigubifreiða í Keflavík og um ráðstöfun atvinnuleyfa.

## 1. gr.

Við 13. gr. reglugerðarinnar bætist nýr liður, svo hljóðandi:

d) Stjórn Bifreiðastjórafélagsins Fylkis getur heimilað leyfishöfum að láta aka fyrir sig á orlofstíma, þó eigi lengur en allt að 4 vikum árlega.

## 2. gr.

Reglugerð þessi staðfestist hér með samkvæmt lögum nr. 1 31. janúar 1966, um leigubifreiðar, til að öðlast þegar gildi og birtist til eftirbreytni öllum þeim, sem hlut eiga að máli.

*Samgöngumálaráðuneytið, 19. júlí 1966.*

**Ingólfur Jónsson.**

*Brynjólfur Ingólfsson.*

31. júlí 1966.

Nr. 165.

**REGLUGERÐ**

um hækkun bóta samkvæmt lögum um almannatryggingar.

Upphæðir bóta samkvæmt lögum um almannatryggingar, annarra en fjölskyldu-bóta, skulu hækka um 5.2% frá 1. júlí 1966 að telja.

Heimilt er Tryggingastofnuninni að greiða umrædda hækkun bóta á þessu ári í einu lagi með desembergreiðslu bóta.

Reglugerð þessi, sem sett er samkvæmt lögum nr. 20 23. apríl 1965, um breyting á lögum nr. 40 30. apríl 1963, um almannatryggingar, staðfestist hér með til þess að taka gildi þegar í stað.

*Félagsmálaráðuneytið, 31. júlí 1966.*

**Eggert G. Þorsteinsson.**

*Hallgrímur Dalberg.*

22. júlí 1966.

Nr. 166.

**AUGLÝSING**

um varnir gegn útbreiðslu sauðfjársjúkdóma í Mýra- og Borgarfjarðarsýslu.

Þar sem garnaveiki hefur fundizt í búfé á 15 bæjum í Þverárhlíð, Stafholtstungum, Norðurárdal, og enn fremur í Borgarnesi, er samkvæmt heimild í 44. gr. laga nr. 23, 1956, um varnir gegn útbreiðslu næmra sauðfjársjúkdóma og útrýmingu þeirra, bannaður allur flutningur búpenings til lífs úr Mýrarhólfi, austan Langár. Enn fremur

er bannaður allur flutningur á búfé til lífs frá þeim bæjum innan svæðisins, þar sem garna veiki hefur fundizt. Brot gegn ákvæðum þessum varða sektum og öðrum viðurlögum, samkvæmt lögum nr. 23/1956.

*Landbúnaðarráðuneytið, 22. júlí 1966.*

**Ingólfur Jónsson.**

*Gunnlaugur E. Briem.*

## AUGLÝSING

um breyting á gjaldskrá fyrir Hitaveitu Reykjavíkur  
nr. 164/1962, sbr. breytingu nr. 235/1963, sbr.  
breytingu nr. 166/1965, svo hljóðandi:

1. gr.

Í stað kr. 5.87 í 3. gr. komi kr. 7.63.

2. gr.

Í stað kr. 33.00 í a-lið 4. gr. komi kr. 66.00, í stað kr. 82.50 í b-lið komi kr. 150.00, og í stað kr. 297.00 í c-lið komi kr. 300.00.

3. gr.

7. gr. orðist svo:

Heimæðagjald Hitaveitunnar skal vera sem hér segir fyrir eina heimæð:

Rúmmál húss (utanmál) m <sup>3</sup>	Heimæða- gjald			
Allt að 400	25 000 kr.			
400 — 2000	25 000	— fyrir	400 m <sup>3</sup> —	20.00 kr./m <sup>3</sup> þar yfir
2000 — 6000	57 000	— —	2000 — —	17.00 — —
6000 — 10000	125 000	— —	6000 — —	15.00 — —
Meira en 10000	185 000	— —	10000 — —	13.00 — —

Nú er fleiri en eitt hitunarkerfi í húsinu með sérstökum mælum frá Hitaveitunni, og skal þá greiða kr. 3000 í aukagjald fyrir hvern mæli umfram hinn fyrsta.

4. gr.

Á eftir 7. gr. komi ný grein, 8. grein, svo hljóðandi: Hitaveitu Reykjavíkur er heimilt að hækka eða lækka hitaveitugjöld í sama hlutfalli og vísitala byggingarkostnaðar breytist. Þó skal meðalheildarkostnaður við hitun húsa með hitaveitu ekki fara fram úr 80% af meðalheildarkostnaði hitunar með olíukyndingu.

5. gr.

Breytingar þessar öðlast gildi 1. júlí 1966.